

以王童玉女侍衛身彩早得昇度飛行上清諸所禁戒皆如盟文畢師左手執經弟子右手執信對天而微言曰

上皇高玄萬帝虛微下世有鎮守固不移教告盟誓以檢衆非玉經實訣皆如科儀度身

之後萬氣總歸師宗長係天地三景齊輝敢有泄漏長謝四非畢弟子置信於前受經北

向九拜而去此盟亦可總度衆經共用以告誓也餘經雖各有盟故四極總統得包於萬

宗也

若無玉札銀木作札亦可代用度事訖讀札埋於絕巖之下可謂億劫之信關告萬靈之誓也可不慎之可不慎之青官具格凡受衆經無信埋札告於萬靈者亦不感徹於高上萬靈亦無可以右別故札不可不投也

太真五帝四極明科經卷之五

赤松子中誠經序

西十

昔公明子皋過宋見大夫薛瑗有子一十人六人僕政應臂顛廢一子獄死三子盲瘖瘖瘖子皋遂問大夫所行之行如何而禍至此薛瑗對曰今蒙先生顧問實以哀勝之事奉

告先生子為國之宰相未曾舉一人不曾接一士見賢如讎約不令入見人遺失子知

有所得見人有得子知有所失恨身不為之耳某曰大夫所行如此之行須至滅門矣千

迭萬病殃及子孫受諸惡報何至此乎薛

瑗聞先生所說神色憂懼心寬茫然稽首知過寧許改乎子皋語大夫曰天雖高而察其

下行兇惡者必殃行善事者必福改性修來轉敗為成不患晚矣吾昔年曾於先生處傳

得赤松子誠歲一軸能依此行治身萬病及

拔見世子孫吾今知大夫所作用心從來皆錯子將此誠歲奉傳與大夫但依此而行之

必知天之驗也於是開篋取經授與薛瑗瑗拜而捧之皋遂辭而去得後數年還來到國見大夫諸子所疾並皆差矣子皋見諸子疾

愈問大夫曰子別復得何良醫妙術耶君所損諸疾皆痊對曰兒子亦不值良醫別無方

術頃年於先生處得中誠經遂改過悛心見人有所失為之慘然見人有所得內有喜悅

舉賢者能自遜祿位已前所貯金帛錢穀散

惠孤貧救濟窮困寬心饒借與物無競齋沐追薦君父不淫服飾不貪美味敬天地信鬼

神知足儉約見子各自愈子皋語大夫曰速哉速哉天之報善也過於響應聲影應影

今大夫一心行善男女百病皆差何況行一

千餘事乎薛瑗乃將千金拜上子皋以酬賜經之恩乞先生見愛子皋曰子得大夫金亦

無用處可自留陰惠施人唯抄此經授與未悟之人便是大夫報恩極也於是先生乃辭

大夫而去

西十

二